

四庫全書

經部

欽定四庫全書

經部

儀禮述註卷十九

詳校官監察御史臣陳化龍

給事中臣溫常綬覆勘

總校官降調編修臣倉聖脈

校對官主事臣陳壩

謄錄監生臣徐炘

欽定四庫全書

儀禮述註卷九

公食大夫禮第九

安溪 李光坡 撰

鄭目錄曰王國君以禮食小聘大夫之禮○疏
曰下文云六豆六簋又設庶饘十六豆此是下
太夫小聘之禮下乃別云上大夫八豆八簋庶
饘二十豆是食上大夫之法若然聘禮據侯伯

之大聘此篇據小聘大夫者周公設經互見為
義又此篇魚腸胃倫膚皆七亦下大夫之禮若
上大夫則若九若十一公食於五禮屬嘉禮
公食大夫之禮

使大夫戒各以其爵

註曰戒猶告也告之必使同班敵者易以相親敬

上介出請入告

註曰問所以為來事

三辭

註曰為既先受賜不敢當

賓出拜辱

註曰拜使者屈辱來迎已

大夫不答拜將命

註曰不答拜為人使也將猶致也

賓再拜稽首

註曰受命

大夫還

註曰復於君

賓不拜送遂從之

註曰不拜送者為從之不終事

賓朝服即位於大門外如聘

註曰於是朝服則初時玄端如聘亦入於次俟○疏
曰在館拜戒即玄端今入次乃着朝服

即位具

註曰主人也擯者俟君於大門外卿大夫士序及宰夫具其饌物皆於廟門之外

羹定

註曰肉謂之羹定猶熟也著之者下以為節

甸人陳鼎七當門南面西上設扃竈竈若東若編

註曰七鼎一大牢也甸人冢宰之屬兼亨人者南面西上以其為賓統於外也扃竈扛所以舉之者也凡鼎彝蓋以茅為之長則束本短則編其中央○疏曰此

亦一大牢而七鼎者食禮輕無鮮魚鮮脂

設洗如饗

註曰必如饗者先饗後食如其近者也饗禮亡燕禮則設洗於阼階東南

小臣具盤匱在東堂下

註曰為公盥也公尊不就洗小臣於小賓客饗食掌正君服位

宰夫設筵加席几

註曰設筵於戶西南面而左几公不賓至授几者親設酒爵可以畧此

無尊

註曰主於食不獻酬

飲酒漿飲俟於東房

註曰飲酒清酒也漿飲載漿也其俟奠於豐上也飲酒先言飲明非獻酬之酒也漿飲先言漿別於六飲也○疏曰載之言載以其汁滓相載故云載飲酒先

言飲此擬醕口異於獻酬酒六飲為渴而飲此漿為醕口故異之

凡宰夫之具饌於東房

註曰凡非一也飲酒之具宰夫所掌也酒漿不在凡中者雖無尊猶嫌在堂

公如賓服迎賓於大門內

註曰不出大門降於國君

大夫納賓

註曰大夫謂上擯也納賓以公命

賓入門左公再拜賓辟再拜稽首

註曰左西方賓位也辟遠適不敢當君拜也

公揖入賓從

註曰揖入道之

及廡門公揖入

註曰廡欄廡也

賓入三揖

註曰每曲揖及當碑揖相人偶

至於階三讓

註曰讓先升

公升二等賓升

註曰遠下人君○疏曰亦取君行一臣行二之義也

大夫立於東夾南西面北上

註曰東夾南東西節也取節於夾明東於堂○疏曰

此主國卿大夫立位序西為正堂序東有夾室立於

夾室之南是東於堂也

士立於門東北面西上

註曰統於門者非其正位辟賓在此○疏曰燕禮大射士在西方東面北上不統於門今統於門者以賓在門西辟賓在此非正位故也

小臣東堂下南面西上宰東夾北西面南上

註曰宰宰夫之屬也

內官之士在宰東北西面南上

註曰夫人之官內宰之屬自卿大夫至此不先即位
從君而入者明助君饗食賓自無事

介門西北面西上

註曰西上自統於賓也然則承擯以下立於士西少
進東上○疏曰不言上擯者上擯有事其位不定故
不言

公當楣北鄉至再拜賓降也公再拜

註曰楣謂之梁至再拜者興禮俟賓嘉其來也公再

拜賓降矣○疏曰至再拜者公方一拜賓即降公再拜者賓降後又一拜本當再拜故皆以再拜言之

賓西階東北面答拜

註曰西階東少就主君敬也

擯者辭

註曰辭拜於下

拜也公降一等辭曰寡君從子雖將拜興也

註曰賓降再拜公降擯者釋辭矣賓猶降終其再拜

稽首興起也

賓栗階升不拜

註曰自以已拜也栗實栗也不拾級連步趨主國君之命不拾級而下曰走

命之成拜階上北面再拜稽首

註曰賓降拜主君辭之賓雖終拜於主君之意猶為不成○疏曰賓終拜於下盡臣之禮為成拜而主君之意猶以為不成故命之升成拜賓遂主君之意故

命之升成拜賓遂主君之意故升更拜也

士舉鼎去鼎於外次入陳鼎于碑南南面西上右人抽
扃坐奠于鼎西南順出自鼎西左人待載

註曰入由東出由西明為賓也○疏曰次入謂序入
也

雍人以俎入陳于鼎南旅人南面加匕于鼎退

註曰旅人雍人之屬旅食者也雍人言入旅人言退
文互相備也出入之由亦如舉鼎者匕俎每器一人

諸侯官多也

大夫長盥洗東南西面北上序進盥退者與進者交于前卒盥序進南面七

註曰長以長幼也序猶更也前洗南

載者西面

註曰載者左人亦序自鼎東西面於其前大夫七則載之○疏曰待載時在鼎東南面今大夫鼎北面南七之左人當載故序自鼎東西面俎當鼎南則載者

在鼎南稍東

魚腊飪

註曰飪熟也食禮宜熟饗有腥者

載體進奏

註曰體謂牲與腊也奏謂皮膚之理也進其理本在前下大夫體七个○疏曰進其理本在前者此謂生人食法故進本本謂近上者若祭祀則進末故少牢云進下鄭云變於食生是也

魚七縮俎寢右

註曰右首也寢右進鬻也乾魚進腴多骨鯁○疏曰縮縱也魚在俎為縱於人亦橫賓在戶牖之間南面俎則東西陳之魚在俎首在右腹腴向南鬻脊也進脊在北向賓是取脊小骨鯁者以優賓也若祭祀則進腴以鬼神尚氣腴者氣之所聚故少牢進腴是也

腸胃七同俎

註曰以其同類也不異其牛羊腴賤也此俎實凡二

十八○疏曰牛羊同是畜類又其腹腴賤故畧之同
俎也牛羊各有腸胃腸胃各七四七二十八也但此
腸胃與牲或同鼎同俎或別鼎別俎何者據此下文
七鼎腸胃與牲別鼎別俎是其正法取其鼎俎竒也
少牢五俎腸胃與牲同鼎者以其有鮮獸若腸胃別
鼎則六不得竒故并腸胃與牲同鼎有司徹亦然

倫膚七

註曰倫理也謂精理滑脆者○疏曰倫膚謂豕之皮

革為之

腸胃膚皆橫諸俎垂之

註曰順其在牲之性也腸胃垂及俎拒

大夫既七七奠于鼎逆退復位

註曰事畢宜由便也士七載者又待設俎

公降盥

註曰將設醬

賓降公辭

註曰辭其從已

卒盥公壹揖壹讓公升賓升

註曰揖讓皆壹殺於初

宰夫自東房授醯醬

註曰授授公也醯醬以醯和醬

公設之

註曰以其為饌本

賓辭北面坐遷而東遷所

註曰東遷所奠之東側其故處○疏曰君設當席中故東遷之辟君設處側近也近其故處

公立于序內西鄉

註曰不立阼階上示親饌

賓立于階西疑立

註曰不立階上以主君離阼也疑正立也自定之貌
宰夫自東房薦豆六設于醬東西上韭菹以東醯醢昌
本昌本南麋鷄以西菁菹鹿鷄

註曰醢醢醢有醢昌本昌蒲本菹也醢有骨謂之𩚑
菁莫菁菹也

士設俎于豆南西上牛羊豕魚在牛南腊腸胃亞之
註曰亞次也不言爭錯俎尊

膚以為特

註曰直豕與腸胃東也特膚者出下牲賤

旅人取七甸人舉鼎順出奠于其所

註曰以其空也其所謂當門○疏曰前旅人以七入

加於鼎退出今還使之取七前士舉鼎入今不使士
舉鼎出者以其士載訖遂設俎於賓前事未畢故甸
人舉鼎而出也

宰夫設黍稷六簋于俎西二以並東北上黍當牛俎其
西稷錯以終南陳

註曰並併也

大羹清不和實于鐙宰右執鐙左執蓋由門入升自阼
階盡階不升堂授公以蓋降出入反位

註曰大羹清煮肉汁也大古之羹不和無鹽菜瓦豆
謂之饘宰謂大宰宰夫之長也有蓋者饌自外入為
風塵

公設之于醬西賓辭坐遷之

註曰亦東遷所

宰夫設鉶四于豆西東上牛以西羊羊南豕豕以東牛

註曰鉶和羹之器○疏曰羹在鉶言之謂之鉶羹據
器言之謂之鉶鼎正鼎之後設之謂之陪鼎入庶羞言

之謂之羞鼎其實一也

飲酒實于解加于豐

註曰豐所以承解者也如豆而卑

宰夫右執觶左執豐進設于豆東

註曰食有酒者優賓也設於豆東不舉也燕禮記曰
凡奠者於左○疏曰按下文宰夫執漿飲賓興受唯
用漿醕口不用酒今主人猶設之是優賓也此酒不
用故奠于豆東○楊氏曰按上文飲酒漿飲俟于東

房疏云酒漿皆以醕口此又云漿以醕口不用酒今
主人猶設之所以優賓兩說牴牾不同又按下文祭
飲酒於上豆之間魚腊醬醕不祭夫魚腊醬醕不祭
而祭飲酒則知酒以優賓但賓不舉爾豈醕口之物
哉當以優賓之義為正

宰夫東面坐啟篋會各卻于其西

註曰會篋蓋也亦一一合卻之各當其篋之西

贊者負東房南面告具于公

註曰負東房負房戶而立也南面者欲得鄉公與賓也

公再拜揖食

註曰再拜拜賓饌具

賓降拜

註曰答公拜

公辭賓升再拜稽首

註曰不言成拜降未拜

賓升席坐取韭菹以辯擣于醢上豆之間祭

註曰擣猶染也

贊者東面坐取黍實于左手辯又取稷辯反于右手興以授賓賓祭之

註曰取授以右手便也賓亦興受坐祭之於豆祭也獨云贊興優賓也少儀曰受立授立不坐○疏曰此所授者皆謂遠賓者故菹醢及鉶皆不授以其近賓取之易故不言按曲禮云散之序辯祭之故知雖不

授亦祭可知也

三牲之肺不離贊者辯取之壹以授賓

註曰肺不離者刲之也不言刲刲則祭肺也此舉肺不離而刲之便賓祭也祭離肺者絕肺祭也壹猶稍也

賓興受坐祭

註曰於是云賓興受坐祭重牲也賓亦每肺興受祭

於豆祭

扱手扱上劔以柶辯擣之上劔之間祭

註曰扱以柶扱其劔菜也扱拭也拭以巾

祭飲酒於上豆之間魚腊醬涪不祭

註曰不祭者非食物之盛者○疏曰此不祭者以在
正饌之內有三牲之體魚腊醬涪非盛者故不祭也
若入庶羞則祭之故下文云士羞庶羞皆有大又云
辯取庶羞之大興一以授賓賓受兼一祭之少儀云
祭膾膾詒為大魚肉之臠是亦祭之也

宰夫授公飯梁公設之于涪西賓北面辭坐遷之

註曰既告具矣而又設此殷勤之加也遷而西之以其東上也

公與賓皆復初位

註曰位序內階西

宰夫膳稻于梁西

註曰膳猶進也進稻梁者以簋

士羞庶羞皆有大蓋執豆如宰

註曰羞進也庶衆也進衆珍味可進者大以肥美者
特為臠所以祭也魚或謂之膾膾大也唯醢醬無大
如宰如其進大羹湑右執豆左執蓋

先者反之

註曰反之者以其庶羞十六豆羞人不足故先至者
反取之下文云先者一人升設於稻南其人不反則
此云先者反之謂第二已下為先者也

由門入升自西階

註曰庶羞多羞人不足則相授於階上復出取也

先者一人升設于稻南簋西間容人

註曰簋西黍稷西也必言稻南者明庶羞加不與正

豆併也間容人者賓當從間往來也

旁四列西北上

註曰不統於正饌者雖加自是一禮是所謂羹載中

別○疏曰曲禮曰左穀右載穀此謂之羹一也為正

饌載謂切肉即庶羞正饌東庶羞西間容人是中別

腳以東腫腕牛炙

註曰腳腫腕今時腫牛曰腳羊曰腫豕曰腕皆香美之名也

炙南醢以西牛哉醢牛鮓

註曰先設醢爭之以次也內則為鮓為膾然則膾為鮓

鮓南羊炙以東羊哉醢豕炙炙南醢以西豕哉芥醬魚

膾

註曰芥醬芥實醬也內則曰膾春用葱秋用芥
衆人騰羞者盡階不升堂授以蓋降出

註曰騰當作媵媵送也授授先者一人

贊者負東房告備于公

註曰復告庶羞具者以其異饌

贊升賓

註曰以公命命賓升席

賓坐席末取梁即稻祭于醬湑間

註曰即就也祭稻梁不於豆祭祭加宜于加○疏曰
下文云賓三飯以涪醬註云食正饌也又云不以涪
醬註云不復用正饌也則此涪醬是正饌而云加者
以在正饌之上得以正饌為本故名正饌其實是正
饌之加故公親設之也

贊者北面坐辯取庶羞之大興一以授賓賓受兼壹祭
之

註曰壹壹受之而兼一祭之庶羞輕也自祭之於腳

膳之間以異饌也

賓降拜

註曰拜庶羞

公辭賓升再拜稽首公答再拜

賓北面自間坐左擁篲梁右執涪以降

註曰自間坐由兩饌之間也擁挹也必取梁者公所設也以之降者堂尊處欲食於階下然也

公辭賓西面坐奠于階西東面對西面坐取之栗階升

北面反奠于其所降辭公

註曰奠而後對成其意也降辭公敬也必辭公者為其尊而親臨已食侍食贊者之事

公許賓升公揖退于箱

註曰箱東夾之前俟事之處

擯者退負東塾而立

註曰無事

賓坐遂卷加席公不辭

註曰贊者以告公公聽之重來優賓○疏曰公既在序外賓食在戶西若不告公公何以知之明知贊者告公公也公來則勞賓不來則賓不勞故不來者所以優饒賓也

賓三飯以清醬

註曰每飯歆涪以穀糲醬食正饌也三飯而止君子食不求飽不言其穀優賓○疏曰特牲少牢尸食時舉穀皆言次第此不言者任賓取之是優賓也

宰夫執解漿飲與其豐以進

註曰此進漱也非為卒食為將有事緣賓意欲自潔

清

賓挽手興受

註曰受解

宰夫設其豐于稻西

註曰酒在東漿在西是所謂左酒右漿

庭實設

註曰乘皮

賓坐祭遂飲奠于豐上

註曰飲漱

公受宰夫束帛以侑西鄉立

註曰束帛十端帛也侑猶勸也主國君以為食賓殷勤之意未至復發幣以勸之欲用深安賓也西向立序內位也受束帛于序端

賓降筵北面

註曰以君將有命也北面于西階上

擯者進相幣

註曰為君釋幣辭於賓

賓降辭幣升聽命

註曰降辭幣主國君又命之升聽命釋許辭

降拜

註曰當拜受幣

公辭賓升再拜稽首受幣當東楹北面

註曰主國君南面授之當東楹者欲得君行一臣行二也

退西楹西東面立

註曰侯主國君送幣也退不負序以將降

公壹拜賓降也公再拜

註曰賓不敢俟成拜

介逆出

註曰以賓事畢

賓北面揖執庭實以出

註曰揖執者示親受

公降立

註曰俟賓反

上介受賓幣從者訝受皮

註曰從者府史之屬訝迎也○疏曰此子男小聘使大夫士介一人而已此時已受賓幣故知訝受者非士介是府史之屬也

金匱要略卷九
賓入門左沒雷北面再拜稽首

註曰便退則食禮未卒不退則嫌更入行拜若欲從此退

公辭

註曰止其拜使之卒食

揖讓如初升賓再拜稽首公答再拜

註曰賓拜拜主國君之厚意賓揖介入復位

賓降辭公如初

註曰將復食

賓升公揖退于箱賓卒食會飯三飲

註曰卒已也已食會飯三漱漿也會飯謂黍稷也此食黍稷則初時食稻粱○疏曰知會飯是黍稷者上文云宰夫東面坐啟籩會各卻于其西此云食會飯知是黍稷

不以醬濟

註曰不復用正饌也初時食加飯用正饌此食正飯

用庶羞互相成也後言涪者涪或時後用○楊氏曰
按注云初時食加飯謂食稻梁用正饌謂以穀糲醬
食正饌也此食正飯謂食黍稷也但用庶羞則經無
其文若可疑者據下文上大夫庶羞酒飲漿飲庶羞
可也注云於食庶羞宰夫又設酒漿以之食庶羞可
也以彼證此恐此食會飯有三飲亦食庶羞此注所
以有互相成之義也

扱手興北面坐取梁與醬以降西面坐奠于階西

註曰示親徹也不以出者非所當得又以已得侑幣
東面再拜稽首

註曰卒食拜也不北面者異于辭

公降再拜

註曰答之也不辭之使升堂明禮有終

介逆出賓出公送于大門內再拜賓不顧

註曰初來揖讓而退不顧退禮畧也示難進易退之

義

有司卷三牲之俎歸于賓館

註曰卷猶收也無遺之辭也歸俎者實于篚

魚腊不與

註曰不言腸胃膚在魚腊下不與可知

明日賓朝服拜賜于朝

註曰朝謂大門外

拜食與侑幣皆再拜稽首訝聽之

註曰受其言入告出報也此下大夫有士訝

上大夫八豆八簋六鉶九俎魚腊皆二俎

註曰記公食上大夫異于下大夫之數豆加葵菹蜩
醢四四為列俎加鮮魚鮮腊三三為列無特○疏曰
雖無特膚亦為下

魚腸胃倫膚若九若十有一下大夫則若七若九

註曰此以命數為差也九謂再命者也十一謂三命
者也七謂一命者也九或上或下者再命謂小國之
卿次國之大夫也卿則曰上大夫則曰下大夫之孤

視子男○疏曰若然孤與子男同十三侯伯十五上

公十七差次可知

庶羞東西毋過四列

註曰謂上下大夫也○疏曰言西東則上大夫南北

五行矣

上大夫庶羞二十加於下大夫以雉兔鶉鴛

註曰鴛無母○疏曰爾雅作鶉母莊子云田鼠化為

鶉月令曰田鼠化為鶉然則一物也

若不親食

註曰謂主國君有疾病若他故

使大夫各以其爵朝服以侑幣致之

註曰執幣以將命

豆實實于壘陳于楹外二以並北陳簋實實於筐陳於楹內兩楹間二以並南陳

註曰陳壘筐於楹間者象授受於堂中也南北相當以食饌同列耳壘北陳者變於食壘數如豆醢芥醬

從焉筐米四

庶羞陳于碑內

註曰生魚也魚腊從焉上大夫加鮮魚鮮腊雉兔鶉
駕不陳於堂辟正饌

庭實陳于碑外

註曰執乘皮者也不參分庭一在南者以言歸宜近內
○疏曰庭實正法皆參分庭一在南而陳之故婚禮
記云納徵執皮者參分庭一在南今云碑外繼碑而

而言近北矣彼參分庭一在南陳之謂在主人之庭
參分庭陳之擬與賓向外故近南此陳於客館擬與
賓入內故鄭云以言歸宜近內

牛羊豕陳于門內西方東上

註曰為其踐汙館庭使近外

賓朝服以受如受饗禮

註曰朝服食禮輕也

無償

註曰以已本宜往

明日賓朝服以拜賜于朝訝聽命

註曰賜亦謂食侑幣

大夫相食親戒速

註曰記異於君者也速召也先就告之歸具既具復
自召之

迎賓于門外拜至皆如饗拜

註曰饗大夫相饗之禮也

降盥受醬涪侑幣束錦也皆自阼階降堂授受者升一等

註曰皆者謂受醬受涪受幣也侑用束錦大夫文也降堂謂止階上

賓止也

註曰主人三降賓不從○疏曰主人降堂不至地故賓止不降也

賓執梁與涪之西序端

註曰不敢食於尊處

主人辭賓反之卷加席主人辭賓反之辭幣降一等主人從

註曰從辭賓降

受侑幣再拜稽首主人送幣亦然

註曰敵也○疏曰左氏傳哀十七年孟武伯曰非天子寡君無所稽首若然臣於君乃稽首平敵相於當頓首今言敵而稽首者以食禮相尊敬雖敵亦稽首

與臣拜君同故也

辭於主人降一等主人從

註曰辭謂辭其臨已食

卒食徹于西序端

註曰亦親徹

東面再拜降出

註曰拜亦拜卒食

其他皆如公食大夫之禮

註曰其他謂豆數俎體陳設皆不異上陳但禮異者
謂親戒速君則不親迎賓公不出此大夫出大門公
受醬滫幣不降此大夫則降也公食大夫大夫降食
於階下此言西序端上公食卷加席公不辭此則辭
之皆是異也

若不親食則公作大夫朝服以侑幣致之

註曰作使也大夫有故君必使其同爵者為之致禮
列國之賓來榮辱之事君臣同

賓受于堂無儻

註曰與受君禮同

記不宿戒

註曰食禮輕也前期三日為戒前期一日申戒為宿戒不速

註曰食賓之朝夙興戒之賓則從戒者而來不復召不授几

註曰異於聘禮禮賓時公親授几也

無昨席

註曰公不坐

亨于門外東方

註曰必於門外者大夫之事也東方者主陽

司宮具几與蒲筵常緇布純加萑席尋玄帛純皆卷自
末

註曰司宮大宰之屬掌宮席者也丈六尺曰常半常
曰尋純緣也必長筵者以有左右饌也○疏曰賓在

戶牖之間南面正饌在左庶羞在右雖不在席上皆陳於席前當席左右其間容人故必長筵也

宰夫筵出自東房

註曰筵本在房宰夫敷之也天子諸侯左右房

賓之乘車在大門外西方北面立

註曰賓車不入門廣敬也凡賓即朝將至下行而後車還立於西方賓及位而止北面卿大夫之位當車前凡朝位賓主之間各以命數為遠近之節也○疏

曰大行人上公朝位賓主之間九十步侯伯七十步
子男五十步又云凡諸侯之卿其禮各下其君二等
以下及大夫士皆如之

鉤芼牛藿羊苦豕薇皆有滑

註曰藿豆葉也苦苦茶也滑莖苴之屬

贊者盥從俎升

註曰俎其所有事○疏曰豆亦從下升不言從豆升
者贊者不佐祭豆直佐祭俎故云俎其所有事

簋有蓋冪

註曰稻梁將食乃設去會於房蓋以冪冪巾也

凡炙無醬

註曰已有鹹和○疏曰云凡者欲解儀禮一部之內
牛羊豕炙皆無醬配之云已有鹹和者若今人食炙
然

上大夫蒲筵萑席其純皆如下大夫純

註曰謂三命大夫也孤為賓則莞筵紛純加緹席畫

純也

卿擯由下

註曰不升堂也○疏曰此謂上擯擯詔賓主升降周還之事故云不升堂

上贊下大夫也

註曰上謂堂上擯贊者事相近以佐上下為名○疏曰案上經贊者告具於公而贊賓食故云上贊使下大夫為之

上大夫庶羞酒飲漿飲庶羞可也

註曰於食庶羞宰夫又設酒漿以之食庶羞可也
以
優賓○疏曰復記此者欲見上大夫食加飯之時得
兼食庶羞又食會飯及庶羞之時宰夫更設酒飲漿
飲

拜食與侑幣皆再拜稽首

註曰嫌上大夫不稽首

儀禮述註卷九

欽定四庫全書

儀禮述註卷十

安溪 李光坡 撰

覲禮第十

鄭目錄云覲見也諸侯秋見天子之禮春見曰朝夏見曰宗秋見曰覲冬見曰遇朝宗禮備覲遇禮省是以享獻不見焉三時禮亡惟此存耳○疏曰案曲禮下云天子當扆而立諸侯北面而見天子曰覲

天子當宁而立諸公東面諸侯西面曰朝鄭注諸侯
春見曰朝受摯於朝受享於廟生氣文也秋見曰覲
一受之於廟殺氣質也朝者位於內朝而序進覲者
位於廟門外而序入王南面立於宸宁而受焉夏宗
依春冬遇依秋春秋時齊侯唁魯昭公以遇禮相見
取易畧也覲禮今存朝宗遇禮今亡享謂朝覲而行
三享獻謂二享後行私覲私覲後即有私獻獻其珍
異之物

覲禮○至于郊

註曰郊謂近郊去王城五十里

王使人皮弁用璧勞侯氏亦皮弁迎于帷門之外再拜

註曰小行人職曰凡諸侯入王則逆勞于畿則郊勞

者大行人也皮弁者天子之朝朝服也璧無束帛者

天子之玉尊也不言諸侯言侯氏者明國殊舍異禮

不凡之也郊舍狹寡為帷宮而受勞掌舍職曰為帷

宮設旌門○疏曰案大行人上公三勞侯伯再勞子

男一勞蓋五等同有畿勞侯伯又加遠郊勞上公又加遠郊勞此據上公而言五十里有市市有館或來者多館舍狹寡故為帷宮

使者不答拜遂執玉三揖至于階使者不讓先升侯氏升聽命降再拜稽首遂升受玉

註曰不答拜者為人使不當其禮也不讓先升奉王命尊也升者升壇使者東面致命侯氏東階上西向聽之

使者左還而立侯氏還璧使者受侯氏降再拜稽首使者乃出

註曰左還還南面示將去也立者見侯氏將有事於已侯之也還玉重禮

侯氏乃止使者使者乃入侯氏與之讓升侯氏先升授几侯氏拜送几使者設几答拜

註曰侯氏先升賓禮統焉几者安賓所以崇優厚也上介出止使者則已布席也○楊氏曰案几布席設

几皆在西北位此帷宮恐亦當然帷宮無堂可升升者壇也左氏傳子產相鄭伯以如楚舍不為壇注云至敵國郊除地封土為壇以受郊勞是也又宣十八年子家壇帷復命於介謂之壇帷是壇亦帷其旁非特為帷宮而已設几則必有席蓋几席相將無席何以設几故鄭注云上介出止使者則已布席太宰贊玉几注云立而設几優尊者此使者亦不坐而設几故注云几者安賓所以崇優厚

侯氏用束帛乘馬僨使者使者再拜受侯氏再拜送幣

註曰僨使者所以致尊敬也拜者各於其階

使者降以左驂出侯氏送于門外再拜侯氏遂從之

註曰駢馬曰驂左驂設在西者其餘三馬侯氏之士

遂以出授使者之從者於外從之者遂隨使者以至

朝

天子賜舍

註曰以其新至道路勞苦未受其禮且使即安也賜

舍猶致館也所使者司空與小行人為承攢。疏曰
司空主管城郭宮室館亦宮室之事故知所使者司
空也但司空亡無正文故云與以疑之知小行人為
承攢者案小行人及郊勞胝館將幣為承而攢是其
義也

曰伯父女順命于王所賜伯父舍

註曰此使者致館辭

侯氏再拜稽首

註曰受館

儻之束帛乘馬

註曰王使人以命致館無禮猶儻之者尊王使也侯氏受館于外既則儻使者於內。疏曰案聘禮大夫帥至館卿致館而云賓迎再拜卿退賓送再拜則聘禮致館不在外此不見大夫帥至館即云天子賜舍是侯氏受舍于外可知與聘禮異也

天子使大夫戒曰某日伯父帥乃初事

註曰大夫者卿為訝者也掌訝職曰凡訝者賓客至而往詔相其事戒猶告也告使順循其事也初猶故也

侯氏再拜稽首

註曰受覲日也

諸侯前朝皆受舍于朝同姓西面北上異姓東面北上

註曰言諸侯者明來朝者衆矣顧其入覲不得並耳受舍于朝受次于文王廟門之外聘禮曰宗人授次

次以帷少退于君之次則是次也言舍者尊舍也天子使掌次為之諸侯上介先朝受焉此覲也言朝者覲遇之禮雖簡其來之心猶若朝也分別同姓異姓受之將有先後也春秋傳曰寡人若朝于薛不敢與諸任齒則周禮先同姓○疏曰知在文王廟門外者案聘禮云不腆先君之祧既拚以俟則諸侯待朝聘之賓皆在太祖廟諸侯無二祧遷主所藏皆在始祖廟故以始祖為祧案天子待覲遇亦當在祧祭法云天

子七廟有二祧穆之遷主藏于文王廟昭之遷主藏於武王廟今不在武王廟而在文王廟者父尊而子卑故知在文王廟也若然先公木主藏于后稷廟受覲遇不在后稷廟者后稷生非王故不宜在也

侯氏裨寬釋幣于禩

註曰將覲質明時也裨寬者衣裨衣而冠寬也裨之為言埤也天子六服大裘為上其次為裨以事尊卑服之而諸侯亦服焉上公衮無升龍諸伯鷩子男毳

孤締卿大夫玄此差司服所掌也。禰謂行主遷主矣。而云禰親之也。釋幣者告將覲也。其釋幣如聘大夫將受命釋幣于禰之禮。既則祝藏其幣。歸則埋之于祧西階之東。○疏曰：天子吉服有九，言六服者據六冕而言。以大裘為上，無裨義。衮冕以下皆為裨。諸侯唯不得有大裘。上公衮冕以下故云。此差司服所掌。乘墨車，載龍旂，弧韜，乃朝以瑞玉有繅。

註曰：墨車，大夫制也。乘之者，入天子之國，車服不可

盡同也交龍為旂諸侯之所建弧所以張繆之弓也
弓衣曰鞬瑞玉謂公桓圭侯信圭伯躬圭子穀璧男
蒲璧纁所以藉玉以葦衣木廣裘各如其玉之大小
以朱白蒼為六色○疏曰墨車大夫制也下記文偏
駕不入王門偏駕金輅象輅等是也既不入王門舍
於客館乘此墨車以朝也爾雅說旌旗正幅為繆故
以此弧弓張繆之兩幅故云張繆之弓也
天子設斧依于戶牖之間左右几

註曰依如今緋素屏風也有繡斧文所以示威也斧謂之黼几玉几也左右者優至尊也其席莞席紛純加緹席畫純加次席黼純

天子衮冕負斧依

註曰衮衣者裨之上也續之繡之為九章其龍天子有升龍有降龍衣此衣而冠冕南鄉而立以俟諸侯見○疏曰自衮冕至玄冕五者皆裨衣故云裨之上也

嗇夫承命告于天子

註曰嗇夫蓋司空之屬也為末擯承命於侯氏下介傳而上上擯以告天子天子見公擯者五人見侯伯擯者四人見子男擯者三人皆宗伯為上擯春秋傳曰嗇夫馳。疏曰皆宗伯為上擯者案其職云朝覲會同則為上相若四時常朝則小行人為承擯故其職云將幣為承而擯此文嗇夫為末擯若子男三擯此則足矣若侯伯四擯別增一士若上公五擯更別

增二士若時會殷同則肆師為承擯故肆師職云大朝覲佐擯鄭引傳者欲見嗇夫是卑官得為末擯之意

天子曰非他伯父實來予一人嘉之伯父其入予一人將受之

註曰言非他者親之辭嘉之者美之辭也上擯又傳此而下至嗇夫侯氏之下介受之傳而上上介以告其君君乃許入。疏曰伯父其入不云迎之覲禮天

子不下堂而見諸侯故無迎法

侯氏入門右坐奠圭再拜稽首

註曰入門而右執臣道不敢由賓客位也卑者見尊奠摯而不授

擯者謁

註曰謁猶告也上擯告以天子前辭欲親受之如賓客也其辭所易者曰伯父其升

侯氏坐取圭升致命王受之玉侯氏降階東北面再拜

稽首擯者延之曰升升成拜乃出

註曰擯者請之侯氏坐取圭則遂左降拜稽首送玉也從後詔禮曰延延進也。疏曰侯氏得擯者之告坐取圭即言升致命無出門之文明知遂向門左從左堂塗升自西階致命也

四享皆束帛加璧庭實唯國所有

註曰四當為三古書作三四或皆積畫此篇又多四字字相似由此誤也大行人職曰諸侯廟中將幣皆

三享其禮差又無取于四也初享或用馬或用虎豹之皮其次享三牲魚腊籩豆之實龜也金也丹漆絲纊竹箭也其餘無常貨此地物非一國所能有唯所有分為三享皆以璧帛致之。疏曰云皆以璧帛致之者三享在庭分為三段一度致之據三享皆有璧帛而言非謂三度致之為皆也

奉束帛匹馬卓上九馬隨之中庭西上奠幣再拜稽首註曰卓讀如卓王孫之卓卓猶的也以素的一馬以

為上書其國名後當識其何產也馬必十匹者不敢
斥王之乘用成數敬也

擯者曰予一人將受之

註曰亦言王欲親受之

侯氏升致命王撫玉侯氏降自西階東面授宰幣西階
前再拜稽首以馬出授人九馬隨之

註曰王之受玉撫之而已輕財也以馬出隨侯氏出
授王人於外也王不使人受馬者至於享王之尊益

君侯氏之卑益臣。○疏曰聘禮享君尚有幣問卿大夫此諸侯覲享天子訖亦當有幣問公卿大夫左傳曰戎朝于周發幣于公卿是諸侯朝天子有幣及卿大夫之事也

事畢

註曰三享訖

乃右肉袒于廟門之東乃入門右北面立告聽事

註曰右肉袒者刑宜施于右也凡以禮事者左袒入

更從右者臣益純也告聽事者告王以國所用為罪
之事也易曰折其右肱无咎。疏曰國所用為罪之
事加得字解之當云告王以國所用為者有得罪之
事

擯者謁諸天子天子辭于侯氏曰伯父無事歸寧乃邦
註曰謁告寧安也乃猶女也

侯氏再拜稽首出自屏南適門西遂入門左北面立王
勞之再拜稽首擯者延之曰升升成拜降出

註曰王辭之不即左者當出隱于屏而襲之也天子外屏勞之勞其道勞也

天子賜侯氏以車服迎于外門外再拜

註曰賜車者同姓以金輅異姓以象輅服則袞也驚也毳也

路先設西上路下四亞之重賜無數在車南

註曰路謂車也凡君所乘車曰路路下四謂乘馬也亞之次車而東也詩云君子來朝何錫予之雖無予

之路車乘馬又何予之玄衮及黼重猶善也所加賜善物多少由恩也春秋傳曰重錦三十兩○疏曰路大也君之居以大為名是以云路寢路門之等引左氏重錦以證重賜也

諸公奉篚服加命書于其上自西階東面大史是右註曰言諸公者王同時分命之而使賜侯氏也右讀如周公右王之右是右者始隨入於升東面乃居其右○疏曰諸侯來覲者衆各停一館故命諸公分往

賜之

侯氏升西面立大史述命

註曰讀王命書也

侯氏降兩階之間北面再拜稽首

註曰受命

升成拜

註曰大史辭之降也春秋傳曰且有後命以伯舅耄
老毋下拜此辭之類

大史加書于服上侯氏受

註曰受篋服

使者出侯氏送再拜僎使者諸公賜服者束帛四馬僎
大史亦如之

註曰既言拜送乃言僎使者以勞有成禮畧而遂言
○疏曰其實僎使者在拜送前必以之僎後畧言者
以僎有成禮可依故後畧言案上篇以來每有僎禮
皆是成篇之法是成禮也

同姓大國則曰伯父其異姓則曰伯舅同姓小邦則曰叔父其異姓小邦則曰叔舅

註曰據此禮云伯父同姓大邦而言

饗禮乃歸

註曰禮謂食燕也王或不親以其禮幣致之畧言享禮互文也掌客職曰上公三享三食三燕侯伯再享再食再燕子男一享一食一燕。疏曰案聘禮及諸文皆單言享無曰禮鄭故引掌客五等享食燕俱有

知禮為食燕也若不親則皆以幣致之

諸侯覲于天子為宮方三百步四門壇十有二尋深四尺加方明于其上

註曰四時朝覲受之于廟此謂時會殷同也宮謂壇土為埒以象墻壁也為宮者於國外春會同則于東方夏會同則于南方秋會同則于西方冬會同則于北方八尺曰尋十有二尋則方九十六尺也深謂高也從上曰深司儀職曰為壇三成成猶重也三重者

自下差之為三等而上有堂焉堂上方二丈四尺上等中等下等每面十二尺方明者上下四方神明之象也上下四方之神者所謂明神也會同而盟明神監之則謂之天之司盟有象者猶宗廟之有主乎王巡狩至于方嶽之下諸侯會之亦為此宮以見之司儀職曰將會諸侯則命為壇三成宮房一門詔王儀南鄉見諸侯也。疏曰合木為上下四方故名方此則神明之象故名明秋官司職曰北面詔明神故曰

所謂明神也天之司盟即左氏襄十一年傳司慎司盟是也

方明者木也方四尺設六色東方青南方赤西方北方黑上玄下黃設六玉上圭下璧南方璋西方琥北方璜東方圭

註曰六色象其神六玉以禮之上宜以蒼璧下宜以黃琮而不以者則上下之神非天地之至貴者也設玉者刻其木而著之

上介皆奉其君之旂置于宮尚左公侯伯子男皆就其旂而立

註曰置于宮者建之豫為其君見王之位也諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北面東上尚左者建旂公東上侯先伯伯先子子先男而位皆上東方也諸侯入壝門或左或右各就其旂而立王降階南鄉見之三揖土揖庶姓時揖異姓天

揖同姓見揖位乃定。○疏曰中階之前以下皆朝事儀明堂位文以朝事儀論會同之事明堂位周公朝諸侯于明堂不在宗廟皆與此同也云或左或右者謂二伯帥之入如康王應門左右是也

四傳擯

註曰王既揖五者升壇設擯升諸侯以會同之禮其奠瑞玉及享幣公拜於上等侯伯於中等子男於下等擯者每延之升堂致命王受玉撫玉降拜於下等

及請事勞皆如覲禮是以記之覲云四傳擯者每一位畢擯者以告乃更陳列而升其次公也侯也伯也各一位子男俠門而俱東上亦一位也至庭乃設擯則諸侯初入王門王官之伯帥之耳。疏曰三等拜禮皆司儀職文受玉謂朝撫玉謂享子男共一位故設擯四

天子乘龍載大旂象日月升龍降龍出拜日于東門之外反祀方明

註曰此謂會同以春者也馬八尺以上曰龍大旂大常也王建大常繆首畫日月其下及旒交畫升龍降龍朝事儀曰天子冕而執鎮圭尺有二寸縹藉尺有八寸搢大圭乘大路建大常十有二旒樊纓十有二就貳車十有二乘帥諸侯而朝日於東郊所以教尊尊也退而朝諸侯由此二者言之已祀方明乃以會同之禮見諸侯也凡會同者不協而盟司盟職曰凡邦國有疑會同則掌其盟約之載書及其禮儀北面詔

明神既盟則藏之言北面詔明神則明神有象也象者其方明乎及盟時又加于壇上乃以載辭告焉詛祝掌其祝號。疏曰此四門之禮乃將見諸侯先禮日月山川也禮既畢乃祀方明於壇祀方明禮畢遂去方明於下天子乃升壇與諸侯相見朝禮既畢乃更加方明於壇與諸侯行盟誓之禮若邦國無疑王帥諸侯朝日而已無祀方明之事

禮日於南門外禮月與四瀆於北門外禮山川邱陵於西

門外

註曰此謂會同以夏秋冬者也變拜言禮者容祀也
禮月於北郊者月太陰之精以為地神也盟神必云
日月山川焉者尚著明也詩曰謂予不信有如皦日
春秋傳曰縱子忘之山川神祇其忘諸乎此皆用盟
神為信也

祭天燔柴祭山邱陵升祭川沈祭地瘞

註曰升沈必就祭者也就祭則是謂王巡狩及諸侯

之盟祭也其盟揭其著明者燔柴升沈瘞祭禮終矣
備矣郊特牲曰郊之祭也迎長日之至也大報天而
主日也宗伯職曰以實柴祀日月星辰則燔柴祭天
謂祭日也柴謂祭日則祭地瘞者祭月也日月而云
天地靈之也王制曰王巡狩至于岱宗柴是王巡狩
之盟其神主日也春秋傳曰晉文公為踐土之盟而
傳云山川之神是諸侯之盟其神主山川也月者太
陰之精上為天使臣道莫貴焉是王官之伯會諸侯

而盟其神主月與。○疏曰上論天子在國行會同之事此據巡狩于四岳各隨方而祭之以為盟主也

記几俟于東廂

註曰王即席乃設之也東廂東夾之前相翔待事之處

偏駕不入王門

註曰在旁與已同曰偏同姓金路異姓象路四衛革路蕃國木路駕之與王同謂之偏偏駕不入王門乘

墨車以朝是也。偏駕之車舍之於館歟。○疏曰：周禮巾車掌王五路：玉路以祀，不賜諸侯；金路以賓，同姓以對象路以朝，異姓以封；革路以即戎，以封四衛；木路以田，以封蕃國。此五路者，天子所乘為正，四路者諸侯乘之為偏。是據諸侯在旁與王同為偏。

奠圭于纒上

註曰：謂釋于地也。

儀禮述註卷十